

柳州府志卷之二十五

鄉賢

附 碩行

聞之五步之內必有香草十室之邑必有良士誠以造物生賢非時與地所得而局也況萬二千五百家為鄉一鄉中豈無魁偉絕特材德忠信之民崛起其間者乎柳郡人材其在漢唐者無考由宋而還英賢接踵上之炳德業於旂常藏功名於府庫而次之規言矩步恂恂醇謹亦足師長人倫為比閭族黨所觀法故生則有樹表建坊之旌死則

柳州府志

卷之二十五

鄉賢

附碩行

一

有春祀秋嘗之享昌黎公所謂鄉先生歿而可祭於社者意在斯人與志鄉賢

宋

覃慶元融州人真宗景德二年進士翰林楊億見其文甚重之大中祥符間拜御史中丞莊重不阿遇事敢言舉朝服其公直

覃光佃慶元子博學能文開寶五年進士為監察御史彈劾不避權勢京師呼為真御史北敵屢犯邊三上疏累詔褒之進武騎尉知雁州軍事時沿

邊將士多貪功妄殺及媮惰不職悉徵以法尋陞沿邊都總管兼勸農使外籌邊策內肅朝儀咸倚重焉進階銀青光祿大夫檢校太子賓客歷官三十餘載以老乞歸詔特進光祿大夫上柱國賜紫金魚袋致仕

覃昌光佃子家世業儒祖父以宦蹟顯昌獨閉戶講學以求道為己任文峻而整學精而覈其教人一本六經登嘉祐六年進士官至國子監祭酒有文集行於世

按三覃公通載融縣羅城兩志查宋太祖始分融水縣為羅城縣仍隸融州轄而融羅兩邑本屬一家安知不產於未分之前耶士若不克振拔則輕重無足比數果能有以自立則閭里皆樂得而稱之以為史冊光其分邑可無論也

王之才馬平人慶歷二年進士嘉祐間官至工部侍郎任事不辭勞瘁後以朝議大夫致仕

王諤馬平人嘉定元年進士紹定間任兵部侍郎才兼文武勞績甚多淳祐中致仕

謝洪象州安仁鄉人宣和三年與弟澤同登何渙榜進士初任南海尉改知賀州有政聲博學能文雅遊薦紳間以氣節自負南遷之客多館於其家鄉評咸推重焉

謝澤洪之弟與兄同榜號謝家二鳳初任昭州轉知南平州事政聲遠播治內肅清歷陞容管

按二謝公廣輿志稱武宣人而象州志則稱州之安仁鄉人查象州並無安仁鄉而廣輿志又稱凡中朝士大夫遷謫此州者多館其家武宣

柳州府志

卷之二十五

鄉賢

附碩行

三

雖隸象轄而遷謫之人未便即往屬縣矧州之南門外有謝家園故址王安中實寓於此其為州人無疑也

張亞卿雒容人種學績文瀕老不衰皇祐初擢第廷對見黜後不與計偕郡守鮑安邱竒其才以遺佚薦尋登皇祐五年鄭獬榜進士官至朝議郎廉州通判與同郡王之才齊名

權鳳來賓人熙寧九年丁巳科探花歷官蒼梧郡守至江西副使政事文學咸有可觀開賓邑魁名

之首

明

鄧敏象州人洪武丁卯科舉於鄉任禮部儀制司主事蚤歲喪父事母陳至孝母忽患篤疾號泣顛天願以身代母疾隨愈後居喪哀毀逾禮廬墓三年足跡不入城府有司顏其堂曰思本

熊夢祥馬平人洪武丁卯舉人官監察御史引病歸為鄉邦推重

王維通融縣人少精敏家貧力學宏覽博物洪武

柳州府志

卷之二十五

鄉賢

附碩行

四

乙丑成進士為邑長清裁獨任惠政及民後引疾歸躬耕自給絕跡城市著右江全志

傅敬象州人永樂戊戌進士善屬文任監察御史彈劾中貴風采凜然以直見忤遂引疾歸杜門不出人不敢干以私

秦應字思敬融縣人舉永樂庚子鄉試卒業太學授江西都司斷事有富豪歐人致死者撫按知應廉明屬訊豪民行賄却之卒正其罪進刑部浙江司郎中與堂官論刑或牴牾趨出次日復以舊牘

進必行乃已故獄多平反出知廣平府奏罷積弊  
以內艱去時融田為賊據久荒民賠納租役如故  
服闋赴京具疏奏蠲之補浙江嘉興府政尚嚴明  
奸慝屏息擢浙江大叅檄甫至卒  
傅高馬平人永樂戊子舉人授江西瑞金縣教諭  
訓士先重德行宣德間南都鄉試分聘入闈所得  
皆知名士

劉嶽馬平人永樂庚子舉人為戶部員外疏奏漢  
王不法事成祖怒擲疏於地尋念其忠直特陞禮

柳州府志

卷之二十五

鄉賢

附碩行

五

部郎中

郭本字道允融縣人景泰辛未進士為監察御史  
巡按浙江時奄宦恣橫本糾彈不避致中傷謫雲  
南永平主簿剛直廉介拓縣治綏流夷未幾移太  
平府同知□乃擢為守後以疾辭歸

秦進字廷玉象州人正統戊午舉人幼孤服母教  
性嗜學不事嬉遊初為瑞州推官訊獄明允請託  
不行人咸憚之歷高肇二府通判嘗因猺寇請益  
軍儲盡革宿弊不畏權貴以疾歸訓二子銳欽相

繼登鄉薦

李芳字本春融縣人景泰甲戌進士知夷陵州時州士久乏計偕芳拓州廨東建館舍取所試高等陳銘輩會文其中親為講授以次選舉教育實多律已清嚴而臨民平易州人歷今稱賢守以芳為最遷貴州叅議江西廣東叅政累官雲南左右布政使謝病歸囊無長物居室卑隘子序成進士鄉里服其清德縣南門外有坊

歐陽伸馬平人景泰四年癸酉科舉人成化中為

鎮江府推官廉潔無私讞獄平允郡有盜剽劫巡吏誣執平民若干繫獄伸廉知其冤嘆曰為民父母忍視無辜逮死耶亟白諸當道率民兵掩捕遂獲真盜百人冤者得釋

秦顯字孔昭象州人景泰間以歲貢任福建南平縣丞居官有能聲鄧茂七謀逆領兵破敵城賴以全為流矢所中幾死因棄職歸家貧守約絕不干有司釣魚飲酒自樂人稱釣叟  
儲玉柳城人成化庚子舉人為興王府長史清高

守職任滿歸里不復補任世宗入承大統屢徵不赴  
周琦字廷璽馬平人成化辛丑進士邃於學問嘗謂堯舜禹湯文武周公孔子孟軻道之準的也周程張朱道之羽翮也不審視其羽翮安求準的因著東溪日談十八卷又著儒正篇論薛河東之學為心印濂洛神合洙泗蓋學於河南閻錫其所傳有自來矣時獐賊猖獗琦為南京戶部員外上疏指陳多中時弊時論韙之

柳州府志

卷之二十五

鄉賢

附碩行

七

覃恕羅城人成化辛卯舉人任湖廣桃源縣知縣實心實政士民愛戴弗衰  
傅獻策馬平人成化丙午舉人宏治中為廣東肇慶通判遷本府同知居郡最久清操自勵後勘權貴子弟不屈法竟坐罷官輿論惜之  
方溢來賓人寄籍馬平成化丁未進士知江南宣城縣威惠並著擢山東監察御史有直諫聲巡按兩浙鹽課陞廣東布政使時藩庫多有那移溢抵任釐清積弊不二年而虧空盡補人服其才城十

字街東有兩坊

楊護象州人成化間任臨高知縣承累任苛虐之後政尚寬簡然能明燭下情民以訟至先得其誠偽善惡審無大害者諭歸自思民感其言中止者多閱數年民安訟簡以謗累去職新任梁儉來代之日百姓如戀慈母贖者絡繹護堅拒之不去梁曰此無所為而為者吾當一屈楊君以慰吾民乃置一帙於門下命贖者書名須與帙滿持以示楊勸納所贖已而行就車老稚追送三十里梁嘆服

柳州府志

卷之二十五

鄉賢

附碩行

八

倣其政而行

謝謙羅城人成化戊子舉人初任廣東韶州司李治獄多所平反歷陞浙江寧波太守尤有惠政致仕歸一如布素士林咸推為清白

朗清字溫泉象州人舉成化癸卯鄉試除教授遷南京都察院司務轉工部司務因劾逆瑾被遣後奉勅命褒獎歷任兩京績著清勤州城大街下有坊

計宗道字惟中馬平人其先有名仲政者洪武間



縣令張霖薦其才畧足制諸蠻以諸生官巡檢谿  
崗反者多所擒滅諸蠻皆畏之至宗道遂以文章  
起未冠成化庚子鄉試第一宏治成進士知江南  
常熟縣公正敏達上官意見或異必爭執得當乃  
已嘗議常熟應蠲減者郡守以為不可宗道曰令  
誠非才安敢違農時而忽萬人之命竟緩徵民賴  
以甦後陞福建延平同知入為戶部郎出守衡州  
卒初常熟桑悅自長沙改判柳州宗道相與往來  
質疑桑罷歸貧亡子宗道迎養於廨及歿親視斂

葬之穿山篤於情誼若此

覃彬馬平人宏治初以明經為福建南平主簿勇  
於為義不避勢豪延平守沈棨雅善彬常作對旌  
之曰清慎持身與百姓秋毫無犯公勤敏政以一  
人數事常兼蓋實錄云

呂景蒙字希正象州人舉宏治甲子孝廉歷官監  
察御史巡上江作操江衍義奏聞蒙著為令又劾  
蕪湖抽分奸弊謫潁州判官轉汲縣知縣後陞福  
州府通判遷南京大理寺評事俱不就從遊湛甘

泉之門倡明理學其所論說粹然一出於正總制張淨峯為立理學名儒坊以旌之後淨峯督師過象造其廬接談終日不倦所著有定性發蒙象郡學的三十卷柳州府志十六卷

佘崇鳳馬平人宏治壬子舉人任福建光澤縣令遷四川合州牧所至皆有政聲其治家尤有法度教子孫務循禮義故後嗣皆能克紹先志焉

范賢馬平人宏治乙卯舉人任九江府通判時遇歲歉合邑無收賢謂守宜請減徵守不可賢遂力

柳州府志

卷之二十五

鄉賢

附碩行

十

辭而歸

簡輔馬平人與弟弼皆前任福建布政使經歷簡文之子文與妻郝氏俱卒於官妾李氏與婦陶氏女立志撫孤兄弟穎悟過人輔登正德辛未進士歷官池州知府弼登宏治甲子賢書任肇慶府通判皆不樂仕進任未滿秩先後告歸著書林下以自娛教子義方至今稱為望族云弼尤粹於理學起居語默俱中程度與同邑周琦齊名

范輅柳州人正德間拜御史以直言謫龍州經歷

修學宮葬枯骨授生徒舉業

戴欽字時亮馬平人登正德進士為刑部主事歷  
郎中時見素林公為大司寇每有大典禮大獄訟  
必屬創藁欽援筆立就無不允當林公甚重之欽  
長於詩喜交海內賢豪時信陽何大復關中馬西  
原大梁李川甫亳州薛君采皆與欽遊時相賡詠  
後坐議大禮廷杖卒欽為文及詩清新俊逸所著  
有鹿原集玉溪存稿

甘東陽馬平人正德間以明經為本省太平訓導

柳州府志

卷之二十五

鄉賢

附碩行

十一

太守胡世寧纂郡志東陽力任其事考核精詳世  
寧大加歎賞後世寧為大吏欲薦於朝而東陽已  
老矣

李允簡字可大融縣人嘉靖壬午領鄉薦除夷陵  
學正攝荆門州陞知內江縣所至公廉自持會大  
旱齋沐祈禱暴烈日中令兒童歌曰旱既大甚治  
非其人寧禍其身勿病其民三日霖雨四沛嘗於  
通津治石梁御史題其橋曰壽溪蓋因李所自號  
而即以此旌其能得民也遷守茶陵州內江民留

之不得為立石允簡至茶陵均徭賦剔姦蠹豪民  
斂跡最上當遷茶陵人願得展一年俟黃籍成民  
受十年之賜陞雲南同知攝守澂江治更精練斷  
獄平允豪有奪民田者勒令歸主不服再訴於朝  
下法司皆如所論任滿去滇民立石如內江尋陞  
思州知府孤城多寇遣其孥歸里獨與孫炳文居  
適有銅仁之役還郡五日貴州麻陽苗龍許保等  
為亂入城殺掠允簡巷戰不勝與其孫炳文皆被  
執留郡二日刼以歸寨逆苗每執郡邑長吏必求

厚贖院司及守將亦幸朝廷不知也率許之遂為  
常例時炳文以賄贖還允簡嘆曰我為天子命吏  
被賊刼質有何面目復臨士民乎傳語守將石邦  
憲急進兵勿以我為念出盤山關至嶺寨允簡遂  
自投厓下賊驚共拽出棄之途思人舁還至清浪  
衛卒事聞贈貴州按察司副使廕一子命按察司  
僉事載榷諭祭於家賜葬於融縣之高沙昌八嶺  
方竚來賓人嘉靖間膺歲薦為江南績溪縣主簿  
有惠政以老乞休優游林下頗以陶靖節風味年

踰九十齒髮不衰

余勉學字行甫柳州人登嘉靖癸未進士授錢塘知縣黠吏猾民相戒不敢犯性甘清苦門無私餽士民敬且愛之擢監察御史遇事敢言太宰汪鋹秉銓不法列其狀以聞上怒下詔獄尋以汪敗得釋左遷連州判官勦平平南及新崗諸賊擢四川嘉定州知州旋陞江南徽州府歲大旱發倉賑濟民賴全活甚衆徽俗健訟每以理論遣囹圄幾空丁內艱起補常州進天津兵備副使嚴世蕃嫉之

柳州府志

卷之二十五

鄉賢

附碩行

十三

甚嫉言官劾之事白補貴州視獄多平反轉福建叅政進按察使仍以觸時忌致政歸歷官三十餘年清節著聞不增田宅柳人稱鄉先生可法者必推勉學云華榮寺左上街有坊

徐養正字吉夫馬平人嘉靖辛丑進士改庶吉士歷戶科右給事中論罷大學士嚴嵩黨府尹戴某者嵩銜之戶部尚書王杲下獄養正與同官灤州厲汝進海寧查秉彝巴縣劉起宗章邱劉祿合疏言兩淮副使張祿遣使入都廣通結納如太常少

卿嚴世蕃府丞胡奎等皆承賂受囑有証世蕃竊  
弄父權嗜賄張燄詞連倉場尚書王暉嵩上疏自  
理且求援於中官以激帝怒帝責其代杲解釋命  
廷杖汝進八十餘六十並謫雲南廣西典史養正  
赴通海量移肇慶推官歷陞貴州提學僉事以喪  
歸復起領雲南學政教條嚴肅集諸生於五華書  
院兼課文行前布政使死於沅江罪人未得養正  
行部將至沅江廉得其賊黨購殺之人莫不多其  
謀畧以遷南京光祿少卿改尚寶時世蕃方行尚

柳州府志

卷之二十五

鄉賢

附碩行

十四

寶事養正不欲與同列請告歸嚴氏敗養正始召  
入歷遷南京工部尚書與海忠介齊名丁內艱甫  
服闋一夕忽自云真西山先生至起迎之為揖遜  
狀須臾而卒贈宮保諭祭葬西門內大街有兩坊  
戴希灝柳州舉人嘉靖二十一年為永昌同知愷  
悌廉明絕請托郤夷金興水利勤講課在任八載  
遷長史去之日行李蕭然士民泣留遮道  
周賢柳州人嘉靖乙酉科舉人任知縣推誠愛民  
民不忍欺官至大理寺丞

張翊字的山馬平人嘉靖甲午舉人任廣東高州府同知因弟翀抗疏被杖遣成都勻翊遂告歸隆慶元年起取入京不赴弟翀以書勸之仕亦不聽屢召屢辭穆宗嘉其志進階中憲大夫享年九十有七談笑而逝

緒東山馬平人嘉靖甲午舉人任江西高安縣知縣為政不務煩苛嘗語人曰用刑不如行惠懲惡不如禮賢邑民耕田之外東山親行四郊勸民植菓木薯芋之屬以供日用士民戴之稱為緒母及

柳州府志

卷之二十五

鄉賢

附碩行

十五

致政歸士民牽舟泣送立祠祀之

蕭蕃馬平人嘉靖癸卯舉人任湖廣岳州府通判有惠政與弟茲蔚俱以文學齊名嘉靖戊午科茲與蔚同登賢書人稱三鳳

羅向辰馬平人嘉靖丙午舉人初知浙江松楊縣縣多虎患向辰禱於城隍修檄移責山神即以鎖練置於山中次日人報有虎在山下向辰率鄉勇往擒虎伏不敢動向辰數其罪而殺之虎患遂絕歷官廣東布政司叅議

陳豫章馬平人嘉靖己酉舉人任廣東從化縣知縣居官清潔世笑為迂任滿告歸扁舟就道士民歛金以贈堅拒却之歸家之日蕭然環堵守令咸欽敬焉

王寵融縣人嘉靖鄉貢進士初授國子監博士陞永淳知縣甫涖任毀汚寺杖淫僧大振風裁居鄉黨飲席過六豆則望然去之

王化字汝贊馬平人父尚學職方郎中化登嘉靖壬子鄉薦嘉靖四十年新置平遠縣授化知縣以

繫賊檀嶺有知兵名田坑賊梁國相既降服叛約三圖賊葛鼎榮等分寇江西福建初縣城櫓未立化寄妻子會昌而身率鄉兵往擊賊連敗乃縱反間會昌言化已歿化妻計氏慟哭自刎化怒追賊益急獲國相於石子嶺遷潮州府同知仍署縣事計被旌官為立祠化舉卓異超擢廣東按察使張翀字子儀柳州人嘉靖三十二年進士授刑部主事疾嚴嵩父子專政抗章劾之詞甚切直書奏逮下詔獄拷訊謫戍都勻穆宗嗣位召為吏部主



事再遷大理少卿隆慶二年春以右僉都御史巡撫南贛剿平萬羊山及南雄劇賊猺獞為西粵梗疏請先剿古田次及八寨上是之移撫湖廣召拜大理卿進兵部右侍郎以侍養歸後卒於家天啟初贈兵部尚書謚忠簡城十字街口有坊  
莫抑馬平人嘉靖癸丑進士授監察御史彈劾不避權貴嘗曰御史乃朝廷耳目何敢韜晦作寒蟬耶巡按湖廣歷陞海北道副使鋤強扶弱士民立石頌之北門內文街有坊

柳州府志

卷之二十五

鄉賢

附碩行

十七

計坤亨馬平人嘉靖乙卯舉人由江南崑山教諭入為國子監博士仕至監察御史居恒以禮自持無仕宦氣

葉尚時馬平人嘉靖乙卯舉人任雲南和曲州牧一介不苟廉潔自愛旋里之日琴書數簏都無長物人服其有守

徐濬馬平人嘉靖乙未進士兩掌銓衡歷官太常寺正卿操守廉潔始終不渝致仕旋里布衣蔬食儉若寒士神宗聞其清直特贈通議大夫祭葬全

給

余方勉學之子弱冠博通經史淹貫百家與弟立及張翀莫抑齊名總制姚鎮聞而召試之四人皆蒙稱許厚加獎賞批曰余方入彀張翀莫抑不凡然皆不如吾兒姚涑後立與翀抑次第登進士惟方屢試不第以明經老亦不復仕在家考古論文栽花種竹以自娛幾忘其家門之貴盛者

余立勉學次子嘉靖壬戌進士授吏部主事出督山東學政歷陞兵部左侍郎在官三十餘年恬淡

柳州府志

卷之二十五

鄉賢

附碩行

十八

自持人罕識其蘊量萬歷間監軍往援朝鮮平倭寇關白平秀吉等復朝鮮故地敘功賞賚甚厚及卒賜祭葬府學東街有坊

計謙亨馬平人嘉靖乙丑進士由監察御史出知辰州府值苗賊擾亂哀鴻遍野謙亨加意撫綏士民克復故業秩滿告休郡人請祀名宦

鄧文學馬平人隆慶中以舉人知清遠縣改建學校士林稱之尋撫勦猺獞有池水之捷及卒士民舉祀名宦

虞瑀馬平人隆慶丁卯舉人知廣東會同縣有惠政歸里日士民攀號遠送如失怙恃焉  
金陵漢馬平人隆慶庚午舉人知湖廣衡山縣除苛派恤貧困民甚德之江岸曾建一樓以培風水及歸邑人稱為金樓以寓去思  
權用溥馬平人隆慶庚午舉人任湖廣歸州州判值山賊竊發守適去任溥悉心捍禦咸中肯要上官才之擢本州守益完城郭嚴保甲賊有犯境者率民兵以計擒之賊衆遠遁邑賴以安

柳州府志

卷之二十五

鄉賢

附碩行

十九

莫與齊馬平人隆慶辛未進士由御史陞廣東海北道歷官十餘年淡薄自處歸里之日惟守前人舊業以清白貽子孫云華榮寺左有坊

徐可久字有功馬平人萬歷間知澂江府遷郡治築磚城闢銅路開河道義倉社學久廢俱以次修復陞雲南屯田副使

梁雍柳城人領萬歷壬午鄉薦歷任廣通宜城耒陽令皆有政聲乞休歸值戊午歲饑雍悉出家貲糴粟賑濟又疫癘傳染復為辦藥遍歷病者之家

給之全活甚衆邑人請祀鄉賢宜城祀名宦  
陳貴科馬平人萬歷丙子舉人任廣東儋州知州  
州在海南黎漢雜處素稱難治科純任德化獎善  
勸良群黎戴之

姚一鳳來賓人少穎敏肆力於學工詩文應鄉舉  
屢薦不售萬歷間以選拔為新寧州學正訓迪有  
方士風丕變後致仕歸見學宮地處低窪因擇高  
爽者改建之邑素無志手輯成書以壽終

李養素來賓人萬歷間歲貢慷慨好義聞姚一鳳

議請學宮輒讓住宅改建後為雲陽縣教諭造士  
先行後文蔚然人望以老乞休卒年九十餘  
黃以仁來賓人三捷武闈倡蠲學宮磚甃西北衢  
修迎恩橋仕至廣東肇慶鎮撫

陳善行馬平人萬歷己卯舉人任福建汀州府同  
知居官廉潔而輕財好施周人之急卓有古風  
湯自強馬平人萬歷戊子鄉薦會試得副榜知四  
川南水縣與李攀龍劉珽同平楊應龍因推官高  
折枝爭其功遂掛剋歸戊午己未兩歲柳郡大旱

自強傾貲賑濟復為告糴於衡永守道周起元以  
其事聞奉旨給捐賑二字扁額

孫克恕字推之馬平人萬歷甲午舉人知廣東南  
雄府有惠政陞貴州分巡思石道天啟二年苗賊  
安邦彥反攻破銅仁府克恕禦賊戰死有虎守其  
骸不去蠻人嗟異事聞贈太僕寺正卿謚恭潔予  
祭葬子光前由主事仕至戶部山西司郎中

唐良傑馬平人萬歷間以明經歷任訓導教諭造  
就有方陞陝西延安教授因老乞歸設義學文會

柳州府志

卷之二十五

鄉賢

附碩行

二十一

鼓勵後進一時知名之士皆出其門鄉里重之  
羅之鼎馬平人萬歷丁未進士由戶部主事陞廣  
東海北道副使居官砥礪名節財利一無所營致  
政歸訓課子弟汲引後學毅然以斯文自任子祚  
蔭承蔭姪裕蔭洪蔭皆舉於鄉隱居大龍潭山莊  
著有龍隱洞集

王啟元馬平人弱冠博通經史登萬歷乙酉科榜  
連上公車十三次至天啟壬戌始成進士授翰林  
院檢討以老告歸猶著書不輟其篤學如此弟啟

睿以明經授縣佐辭不赴隱於蟠龍崗著蟠龍崗誌柳祠前有坊

龍文光字煥斗雒容人天啟二年壬戌進士初授江西新建令邑有弟誣兄毆母者以藥傅母背令作瘡狀迫求往驗文光疑之故遲不出及訊則瘡平矣遂直其兄通邑驚以為神未幾行取主事歷任吏部郎督學貴州剛直不阿校士必婉曲訓誨士多化焉崇正十七年以川北叅政擢右僉都御史代陳士竒巡撫四川聞命與總督劉佳引率兵

柳州府志

卷之二十五

鄉賢

附碩行

二十二

三千由順慶馳赴之部署未定數日城陷賊盡驅文武將吏及軍民男婦於東門之外將戮之忽有龍尾下垂賊以為瑞遂停刑文光佳引卒不屈賊殺文光於濯錦橋佳引自投於浣花溪北門內及開元寺街左共有三坊

戴震字靜夫馬平人博極群書淵源理學尤喜獎進後生崇正時以歲薦任浙江常山縣教諭建青雲樓立館舍以造士慨然有志於胡安定之所為遊其門者多獲雋勒石青雲樓後陞本郡開化令

明末土寇竊發執脇不屈死之子朱紘登康熙甲辰科進士

碩行

國朝

唐學益字虞臣馬平人康熙己酉孝廉為左州學正遷太平府教授經術湛深儀觀甚偉所造就皆知名士後陞河南光山令涖任八十日即解組歸家徒壁立終日著書不輟卒年七十有九  
戴蕃嵩馬平人康熙甲子解元知直隸元城縣甫

柳州府志

卷之二十五

鄉賢

附碩行

二十三

涖任前合湯負官錢累萬妻子皆在獄中嵩惻然一力肩承其孥得釋公餘循行郊野問民疾苦興利剔弊境內帖然尤嘉惠寒士給以膏火造就成材者甚衆其署他邑篆皆有循聲大中丞李光地書真民父母額褒之邑人懷德立祠以祀  
莫自能維容人性淳樸狷介自守足跡不履公庭遇歲饑饉悉將家中積粟借給親友以濟貧乏里人德之邑侯吳嘉其好施旌其門曰敦厚可風卒年八十

周登華雒容人賦性樸實事親孝好施與每遇鄉鄰忿爭必竭力解和人服其信義邑侯吳書善重一鄉以褒之年九十以考終

沈景昉字象辰雒容人幼失怙事母以孝聞躬耕力學食餼縣庠以明經授來賓訓導甫抵任即捐建明倫堂造士循循有規矩後遷柳州府訓導賓人咸攀留之不能得及致仕猶手不釋卷每舉忠信兩字立教鄉里化之

陳讓雒容人性甚孝執親之喪廬墓三年哀毀骨

柳州府志

卷之二十五

鄉賢

附碩行

二十四

立蚤歲入泮補餼為邑學都講並勸僮佃就學蠻人化之後以明經授恭城訓導從游甚盛及致仕歸舉孝廉不就竟以壽終

莫煥文雒容人性仁厚而樂施每遇族里中有無力婚葬者輒蠲貲助之他如建橋梁修道路恤佃減租善行不一而足康熙壬寅歲柳郡大饑道殣相望煥文倩人掘土聚尸封瘞成三大墓縣尹黃聞而嘉之表其閭曰望隆德重年八十以令終  
陳嘉謨懷遠人性淳謹嗜學為邑諸生隱居教授



年七十餘循循不倦一時子衿多出其門下  
黃文天來賓人順治十八年恩貢當明季為諸生  
時會邑宰朱統銓復移學宮於舊址文天偕蒙君  
聘督成之旋燬於兵康熙八年知縣李日芳改建  
今所文天又與紳士捐貲督工以成其事庶幾有  
始終者  
石邦賢來賓人為土兵總目康熙十八年馬承蔭  
反知邦賢所部狼兵驍勇偽授統領檄隸麾下邦  
賢堅拒之走迎

柳州府志

卷之二十五

鄉賢

附碩行

二十五

王師鎮南將軍嘉其忠授以團練叅將之職

方維憲字爾瞻來賓人少嗜學為諸生足不窺園  
膺歲薦歷任昭平隆安訓導善於誨迪士風丕變  
居家尤嚴肅無世俗輕猥習子廷佐克守父訓以  
明經任平樂思恩容縣訓導陞臨桂教諭永安學  
正所至與諸生講論從容敷析本末洞然質問者  
莫不得所欲而去

鄧國幹來賓人幼質頗鈍苦志下帷入邑庠性淳  
厚與人交不設城府雍正乙巳偕紳士修學宮晚

膺歲薦

陳斌本姓藍廣東籍幼失怙稍長即理家政奉孀母撫兩弟以孝友稱因授把總分防來賓遂家焉復移駐雒容在任十六載士卒皆畏懷之平居留心史學手不釋卷卒年八十四子必青為邑明經朱子元字文亮來賓人由邑庠晉國學力敦本行兄蚤世遺二子輝炳皆幼延師訓課並列膠庠婚娶皆賴其力鄰族有急百計周之死無措者必給榘嘗獨修韋里橋學使者衛昌績校士賓州道出

柳州府志

卷之二十五

鄉賢

附碩行

二十六

韋里見而嘉之遂捐俸以助其役

龍光榮來賓人性謹厚家貧業醫以養二親後家稍裕病者輒施藥倡修鎮江樓迎恩橋子蚤卒孫三俱力學為明經

朱燦字為章來賓人為諸生安貧潔己畏影收聲跬步不越節度邑宰李定稔其賢時就見而廩給之且授意令其請事燦夷然不屑可謂狷介有守之士

柳州府志卷之二十五終